



# Բասիլայել Պատկանյան

## Հայ պատանին երգում է

Հայկ ու Լևոնին մոռանանք, եղբարք,  
Թափ տանք մեզանից փոշին հրնության,  
Վերածնենք մեր մեջ նոր կյանք ու նոր բարք,  
Կեցցե՛ շատ օրեր մանուկ Հայաստան:

Կեցցե՛ շատ օրեր մանուկ Հայաստան,  
Նա՛ որ դեռ միայն մեր սրբոյի խորքում  
Ունի յուր հիմքը, ո՛չ տուն, ո՛չ կայան  
Չունի տակավին բուն Հայաստանում:

Եղբա՛րք, բանը դեռ անշոշափելի  
Այժմուս մեր սրտքին՝ ցրնորք չի կարծենք,  
Բանը կմարմնանա ու տեսանելի  
Կը լինի շուտ . միայն մենք վրստահ լինենք:

Մեր հույսը միայն մեր վըրա լինի,  
Չեն պետք մեզ նըպաստ մեծատուններին,  
Ողորմությամբ թո՛ղ մուրացիկն ապրի,  
Մուրացողըն միշտ ստրուկ է օտարին:

Կեցցե՛ Հայաստան, որ երազական  
Կարծում են ծերերն . իրոք չէ՛ այդպես .  
Մեր հայրենին դեռ չ՛է չվառական,

Քանի որ ունի քաջ որդիք մեզ պես:

Բա՛վ է, օտարին շատ ծառայեցինք,  
Ըստրկի վիճակն չէ՛ հավերժական,  
Ազատության գինն մենք քաջ սերտեցինք,  
Էլ չենք հավատալ օտարի խոստման:

Օտարի շահը թույն է մահաբեր,  
Աչք է կուրացնում, միտք է պրդտորում,  
Գերի է դարձնում մարդ ազատասեր,  
Ոսկի շրդթայով ձեռք ոտք է կապում:

Կրվրշրեն շրդթաս, կերթամ Հայաստան,  
Կըպագնեն նորա հողը անարատ,  
Կասեն . «Եկել եմ որդիդ չվառական,  
Գըրկիդ մեջ ինձ ա՛ն, մայր իմ հարագատ:

Չունիմ ես ոսկի, այլ ոսկու մադան,  
Ջրլոտ ձեռք շուխտակ ու սիրտ անվեհեր,  
Ձեռքումս ունիմ բահ ու հրրացան,  
Սըրտումըս ունիմ ազնիվ խորհուրդներ:

Քու հողն արգավանդ, ես մըշակ արի,  
Մենք հաշտ կու ապրինք շատ ու շատ տարի .  
Ուրջուներեդ քեզ ոչինչ շահ չըկա,  
Թույլ տուր, որ բըռնի հալածեն նոցա:

Դու որդիք ունիս չորս միլիոն ու կես,  
Թե հանկարծ գաղթեն՝ նոցա տեղ ունե՞ս,  
Ըստինքիդ կաթը խնայե օտարեն,  
Գալու որդիքըդ քաղցած, ծարավ են . . . »:

Հարավ, հյուսիսեն փոշի վերացավ . . .

Ձայն, տրոփ, խոսք, շրշուկ գիլ-գիլ լրավեցավ . . .

Մասսա ճակատեն մեզը հեռացավ . . .

Մանուկ-Հայաստանն ոտքի կայնեցավ . . .

---